

BULETIN unisel UNIVERSITI SELANGOR

Peneraju Transformasi

UNISEL TEMPA
PELBAGAI KEJAYAAN

“ Saya melihat potensi besar yang dimiliki Universiti Selangor dengan tenaga akademik dan pentadbiran yang komited membawa universiti ini ke arah kecemerlangan. Oleh itu, marilah kita garap dan gembleng seluruh tenaga bagi menjadikan universiti ini segar dan mekar serta memberi kepuasan buat semua.”

PROF DATO' DR MOHAMMAD REDZUAN OTHMAN
PRESIDEN DAN NAIB CANSELOR



UNISEL BURU EMPAT
EMAS SUKIPT 2016

AZMIN SYOR UNISEL
GUNA SISTEM WAKAF
UNTUK KUKUHKAN
KEWANGAN

UNISEL DIPUJI ANJUR
FORUM LIBATKAN
KERajaan DAN
PEMBANGKANG

Sekapur Sireh Seulas Pinang

Assalamualaikum Warahmatullahi Wabarakatuh dan Salam Sejahtera.

Sempena lebaran baharu 2016 marilah kita panjatkan puji dan syukur ke hadrat Allah SWT kerana dengan izin dan limpah kurnia-Nya, Buletin UNISEL keluaran Januari 2016 dipermudahkan penghasilannya.

Izinkan saya berbicara berkenaan suntikan nafas segar perlantikkan Prof Dato' Dr Mohammad Redzuan Othman sebagai Presiden & Naib Canselor baharu buat Universiti Selangor. Beliau yang mempunyai 'portfolio' besar diluar sana membawa sejuta harapan buat seluruh warga universiti, baik kakitangan mahupun para pelajar.

Berbekalkan plan strategik yang lebih jitu, pelbagai pendekatan lebih berdaya saing dan mesra pelajar telah dan sedang dirancang beliau.

Demikian itu, berbekalkan segala komitmen yang ada, tidak keterlaluan rasanya, saya dan seluruh warga Universiti Selangor akan memberi kerjasama tidak berbelah bahagi demi menjadikan apa yang bakal di transformasikan oleh Presiden & Naib Canselor sebagai satu kenyataan.

Keyakinan penuh kami terhadap Prof Dato' cukup dalam berdasarkan apa yang telah diterjemahkan buat masa ini. InsyaAllah.

Mengakhiri coretan kali ini, sekali lagi dari saya dan seluruh warga universiti mengucapkan selamat datang buat Prof Dato' Dr Mohammad Redzuan.

Moga-moga beliau mampu menjadi ikon 'Peneraju Transformasi' buat Universiti Selangor.

Hasril Abu Hassan

Ketua Editor



Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat
Tingkat 5, Bangunan Satelit
Jalan Zirkon A7/A, Seksyen 7
40000 Shah Alam
SELANGOR
Tel : +603-55223420
Email : corporate@unisel.edu.my
Website : media.unisel.edu.my

Penaung : **Prof Dato' Dr Mohammad Redzuan**
Presiden dan Naib Canselor

Penasihat : **Hajah Fauziah Abd Rahman**
Ketua Pustakawan

Ketua Editor : **Hasril Abu Hassan**
Pengarah Komunikasi Korporat

Editor : **Ahmad Norman Abu Talib**
Penolong Pengurus Komunikasi Korporat

Wartawan : Pejabat Komunikasi Korporat

Fotografi : Pejabat Komunikasi Korporat

Pembantu Editorial:
: Hasni Mohd Noor
: Nor Hasnida Mohd Hosni
: Aiman Mudzafer Mohamad Khairi



KANDUNGAN

- | | |
|---------|--|
| 4 - 5 | Selamat datang ke UNISEL Prof Dato' Dr Mohammad Redzuan |
| 6 | Pelajar baharu puas hati lanjutkan pelajaran di UNISEL |
| | UNISEL lawat Kumpulan Media Karangkraf kukuhkan hubungan |
| 7 | Prof Dato' Dr Mohammad Redzuan dekati warga UNISEL dan ibu bapa |
| 8 | Presiden dan Naib Canselor seru warga UNISEL kerja kuat bersamanya |
| 9 | Naib Canselor sampaikan amanat kepada MPP, kelab serta persatuan |
| | Nik Nazmi yakin Prof Dato' Mohammad Redzuan suntik nafas baharu UNISEL |
| 10 | Prof Dato' Dr Mohammad Redzuan berazam tingkatkan imej UNISEL |
| 11 | Azmin syor UNISEL guna sistem wakaf untuk kukuhkan kewangan |
| | Tan Sri Muhammad Ali sampaikan syarahan perdana 'Wakaf Korporat untuk Pendidikan Tinggi' |
| 12 | UNISEL sertai Malaysia Fashion Week 2015 timba pengalaman |
| | UNISEL juara Kejohanan Ping Pong IPT Sirkit 2 |
| | UNISEL buru empat emas SUKIPT 2016 |
| 13 | UNISEL dipuji anjur forum libatkan kerajaan dan pembangkang |
| | Persidangan Antarabangsa Sains Hayat tumpu isu pengembangan sains hayat melalui cetusan kuasa mikrob |
| 14 - 15 | UNISEL tempa pelbagai kejayaan |





Prof Dato' Dr Mohammad Redzuan 'punch in' sebagai simbolik hari pertama bertugas

SELAMAT DATANG KE UNISEL PROF DATO' DR MOHAMMAD REDZUAN



Prof Dato' Dr Mohammad Redzuan di pejabatnya

UNIVERSITI Selangor (UNISEL) menyambut kedatangan 2016 dengan nafas baru melalui kehadiran Prof Dato' Dr Mohammad Redzuan Othman yang dilantik Presiden dan Naib Canselor berkuatkuasa pada 1 Januari lalu.

Beliau dilantik sebagai Naib Canselor ke-7 UNISEL melalui pengumuman yang dibuat oleh Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad.

Pelantikannya dilakukan selepas Prof Dr Anuar Ahmad menamatkan perkhidmatannya pada 15 Disember lalu.

Lembaga Pengarah Pendidikan Industri YS Sdn Bhd mengarahkan pelantikan tersebut dibuat selepas mendapat syor daripada Jawatankuasa Gelintar yang dianggotai Kerajaan Negeri, wakil akademik UNISEL dan luar serta pihak industri.

Prof Dato' Dr Mohammad Redzuan merupakan seorang yang tersohor di dalam bidang pendidikan.

Menyebut sahaja nama beliau, ramai yang mengenalinya kerana hasil penerbitan dan penyelidikan dijalankannya.

Beliau mendapat ijazah sarjana muda dalam bidang sejarah dari Universiti Malaya (UM) (1981), ijazah sarjana University of London, United Kingdom (1987) dan doktor falsafah dari University Edinburgh, United Kingdom (1994).



Prof Dato' Dr Mohammad Redzuan (tengah) bersama dengan kepimpinan kanan UNISEL

Kepakaran beliau adalah dalam bidang sejarah dan politik Timur Tengah, Islam, politik Malaysia, pilihan raya dan demokrasi di Malaysia.

Prof Dato' Dr Mohammad Redzuan pernah dilantik sebagai profesor pelawat di Universiti Kaherah, Mesir kerana kepakarannya itu.

Rekod cemerlangnya di dalam bidang akademik dan pentadbiran meletakkan beliau sebagai salah seorang penggerak membawa UM ke arah kecemerlangan.

Sepanjang bertugas selama lebih 30 tahun di universiti ternama dan tertua di negara ini, beliau memegang pelbagai jawatan penting.

Ini termasuklah Dekan Fakulti Sastera dan Sains Sosial (dekan yang pertama dilantik bersama Dekan Fakulti Sains melalui proses pemilihan), Jawatankuasa Penilaian Skim Geran Penyelidikan Fundamental (FRGS), Jawatankuasa Induk Pusat Kecemerlangan Pengajian Tinggi (HICOE), Jawatankuasa Pemilih Bagi Pelantikan dan Kenaikan Pangkat UM, Pengurus Jawatankuasa Penapisan calon Staf Akademik (JPCSA) 2013-2015, Pengarah Pusat Kajian Demokrasi dan Pilihan Raya UM (UMcedel), Dekan Kluster Kemanusiaan dan Etika, Timbalan Dekan Fakulti Sastera dan Sains Sosial, Ketua Jabatan Sejarah, Penyelaras Program Peradaban dan lain-lain.

Tidak cukup dengan itu, beliau mencipta sejarah tersendiri apabila sembilan calon di bawah penyeliaannya berjaya menerima Ijazah Doktor Falsafah (PhD) pada tahun 2014.

Empat daripada sembilan graduan

tersebut dari luar negara iaitu Indonesia, Mali, Iran dan Yaman manakala selebihnya dari Malaysia.

Prof Dato' Dr Mohammad Redzuan juga mencipta rekod penerima Anugerah Pensyarah Cemerlang UM selama 13 tahun berturut2 sejak 2001 hingga bersara.

Dalam bidang penyelidikan pula, beliau memenangi Anugerah Pingat Emas bagi kategori Sains Sosial, PEPISTA dan Anugerah FGRS penyelidikan terbaik berkaitan dengan pilihan raya.

Beliau juga menerbitkan lebih 20 buku, lebih 50 bab buku dan 60 artikel.

Dalam pada itu, ketika ditanya mengenai wawasan untuk memacu UNISEL, beliau berazam untuk menaikkan lagi nama universiti ini menjadi institusi pengajian tinggi ternama di negara ini.

Beliau yakin dapat mencorak UNISEL ke arah lebih baik berbekalkan pengalaman luas 30 tahunnya di dalam bidang pendidikan.

Warga UNISEL mengharapkan Prof Dato' Dr Mohammad Redzuan dapat menerajui universiti ini dengan penuh kecemerlangannya pada masa akan datang.



PELAJAR BAHARU PUAS HATI LANJUTKAN PELAJARAN DI UNISEL

PARA pelajar baharu mendaftar bagi sesi pengambilan Januari berpuas hati dengan segala fasiliti dan kemudahan terdapat di Universiti Selangor (UNISEL) yang disifatkan sangat memuaskan walaupun berstatus institut pengajian tinggi swasta (IPTS).

Mohd Nur Elham Abdul Hamid, 21, menyifatkan fasiliti yang terdapat di UNISEL adalah sangat lengkap.

Segala kemudahan untuk pembelajaran dan pengajaran serta bersukan disediakan di Kampus Bestari Jaya.

Dia yang mengetuai bacaan ikrar pelajar sempena Minggu Tekad Siswa pada 12 Januari lalu berkata, ia adalah sangat berbaloi jika dibandingkan dengan kadar yuran yang rendah dikenakan UNISEL.

"Saya puas hati dapat melanjutkan pelajaran di sini kerana fasilitinya lengkap,"

katanya dalam majlis yang disempurnakan oleh Presiden dan Naib Canselor, Prof Dato' Dr Mohammad Redzuan Othman.

Nur Hazlina M Yunus, 21, berkata, dia berpuas hati kerana menerima layanan baik dari seluruh warga UNISEL.

Walaupun baru mendaftar beberapa hari lalu namun sudah merasakan bagaiakan sebuah keluarga besar di sini.

"Semua pihak memberikan kerjasama terutama fasilitator yang banyak berkongsi pengalaman dan tunjuk ajar," katanya.



Para pelajar mendengar ucapan Prof Dato' Dr Mohammad Redzuan
H: Pelajar baru puas hati lanjutkan pelajaran di UNISEL



Prof Dato' Dr Mohammad Redzuan menyarungkan jaket sebagai simbolik

Mohd Fakhri Hazim Azmi, 25, berkata, dia berpuas hati kerana kos yang dimahukan ada ditawarkan di UNISEL.

Menurutnya, dia sememangnya mahu melanjutkan pelajaran di bidang Ijazah Sains Matematik dan Statistik dan setelah membuat perbandingan ternyata UNISEL lebih murah.

"Lagipun lokasi UNISEL paling hampir dengan saya dan saya sememangnya mahu lanjutkan di dalam bidang ini," katanya.



Nur Hazlina

UNISEL LAWAT KUMPULAN MEDIA

UNIVERSITI Selangor (UNISEL) mengadakan kunjungan hormat ke Kumpulan Media Karangkraf (KMK) pada 14 Januari lalu sebagai usaha mengukuhkan hubungan antara kedua-dua institusi yang sudah lama terjalin.

Lawatan seramai sembilan orang itu diketuai oleh Presiden dan Naib Canselor, Prof Dato' Dr Mohammad Redzuan Othman bertujuan untuk meningkatkan lagi hubungan kedua-dua pihak.

Malah peluang ini digunakan sebaik mungkin untuk Prof Dato' Dr Mohammad Redzuan yang baru sahaja dilantik mengetuai

UNISEL beramah mesra dengan KMK yang sudah lama menjalankan kerjasama dengan UNISEL.

Antara kerjasama diadakan adalah KMK memberi peruntukan biasiswa RM1 juta setiap tahun.

Melalui kerjasama tersebut, UNISEL menyediakan ruang untuk pelajar menyambung pelajaran.

Dalam pertemuan tersebut, Prof Dato' Dr Mohammad Redzuan turut berbincang bersama Ketua Pegawai Eksekutif KMK, Dato' Dr Hussamuddin Yaacob mengenai

perancangan kerjasama kedua-dua pihak pada masa depan.

Semoga kerjasama dijalankan selama ini memberi impak positif kepada kedua-dua pihak.

Dalam pada itu, rombongan UNISEL turut dibawa meninjau beberapa unit jabatan yang terdapat di KMK.

Delegasi turut diberi taklimat mengenai sistem operasi beberapa unit yang terdapat di KMK antaranya kumpulan majalah, percetakan serta dibawa melihat sendiri proses penerbitan sebuah buku dihasilkan.

PROF DATO' DR MOHAMMAD REDZUAN DEKATI WARGA UNISEL DAN IBU BAPA



Prof Dato' Dr Mohammad Redzuan (tengah) melihat sesi pendaftaran pelajar ke asrama

PRESIDEN dan Naib Canselor Universiti Selangor (UNISEL), Prof Dato' Dr Mohammad Redzuan Othman mengambil peluang beramah mesra bersama kakitangan, pelajar dan ibu bapa semasa melawat Kampus Bestari Jaya sempena hari pendaftaran pelajar baru sesi pengambilan Januari.

Lawatan tersebut diadakan untuk beliau melihat sendiri proses perjalanan pendaftaran dijalankan.

Malah beliau mengambil peluang tersebut untuk mendekati staf, pelajar dan ibu bapa.

Beliau sempat berucap kepada ibu bapa yang hadir

sebagai 'salam perkenalan' dengan mereka yang mendaftarkan anak masing-masing.

Kunjungan tersebut turut melibatkan tinjauan di asrama pelajar.

Prof Dato' Dr Mohammad Redzuan mahu melihat sendiri keadaan hostel bagi mengetahui apa yang perlu ditambah baik.

Beliau juga 'berhajat' untuk bermalam di asrama lelaki dalam masa terdekat.

Satu pendekatan yang amat baik dalam mengetahui dengan lebih mendalam sebarang permasalahan dihadapi pelajar.



Beliau turut meninjau keadaan asrama

KARANGKRAF KUKUHKAN HUBUNGAN



Prof Dato' Dr Mohammad Redzuan (tengah) menyampaikan cenderamata kepada Dato' Dr Hussamuddin



Warga UNISEL serta KMK bergambar kenangan setelah selesai kunjungan hormat

PRESIDEN DAN NAIB CANSELOR SERU WARGA UNISEL KERJA KUAT BERSAMANYA

PRESIDEN dan Naib Canselor Universiti Selangor (UNISEL), Prof Dato' Dr Mohammad Redzuan Othman mengajak seluruh warga universiti untuk bekerja kuat bersamanya dalam memastikan kecemerlangan dapat dicapai tahun ini.

Amanat tersebut disampaikan olehnya ketika berucap buat kali pertama kepada seluruh warga UNISEL dalam perhimpunan bulanan yang diadakan di Kampus Shah Alam pada 9 Januari lalu turut dapat disaksikan di Kampus Bestari Jaya.

Dalam ucapannya, Prof Dato' Dr Mohammad Redzuan menekankan bahawa sasaran tahun ini perlu dapat dicapai.

Malah beliau menegaskan tahun ini perlu lebih baik berbanding tahun sebelumnya dan begitu juga tahun-tahun mendatang.

"Tanggungjawab kita adalah untuk pastikan tahun ini lebih baik kepada UNISEL. Saya menganggap anda semua adalah orang saya dan kita perlu bekerja bersama-sama untuk pastikan segala perancangan dapat



Pengurus tertinggi menyanyikan lagu Negaraku



Warga UNISEL mendengar khusuk amanat disampaikan oleh Prof Dato' Dr Mohammad Redzuan



Prof Dato' Dr Mohammad Redzuan semasa berucap

dicapai," katanya.

Beliau menyifatkan kedatangannya ke UNISEL disambut dengan penuh penghargaan dan pengharapan oleh semua pihak.

Sebab itu, semua pihak perlu memainkan peranan masing-masing bersama untuk membangunkan UNISEL.

Prof Dato' Dr Mohammad Redzuan turut sedar cabaran bakal dihadapi dalam mengatasi pelbagai masalah dihadapi universiti ini terutama aspek kewangan.

Namun beliau menganggap itu sebagai satu cabaran untuk membuktikan mampu melaksanakannya.

"Ramai pihak mengharapkan saya bawa perubahan besar dan saya akui perkara tersebut. Kekangan kewangan dihadapi bukan satu alasan untuk kita membangunkan UNISEL," katanya.

NAIB CANSELOR SAMPAIKAN AMANAT KEPADA MPP, KELAB SERTA PERSATUAN



Prof Dato' Dr Mohammad Redzuan menjelaskan apa yang dimahukan terhadap para pelajar

PRESIDEN dan Naib Canselor Universiti Selangor (UNISEL), Prof Dato' Dr Mohammad Redzuan Othman mengadakan pertemuan bersama Majlis Perwakilan Pelajar (MPP), wakil-wakil persatuan dan kelab universiti bagi mengenali mereka dengan lebih dekat.

Ia juga digunakan sebagai medium untuk beliau menyampaikan amanat serta harapan kepada para pelajar.

Dalam pertemuan penuh mesra hampir dua jam itu, Prof Dato' Dr Mohammad

Redzuan menyatakan keinginan utamanya untuk mencantikkan kawasan Kampus Bestari Jaya serta Shah Alam.

Namun, perancangannya itu sukar untuk diterjemahkan jika tidak mendapat kerjasama kerana beliau mahukan para pelajar bersama-sama dalam semua perancangan yang akan dilaksanakan.

Dalam perkembangan sama, Prof

Prof Dato Dr Mohammad Redzuan menyatakan keinginan utamanya untuk mencantikkan kawasan Kampus Bestari Jaya serta Shah Alam



Prof Dato' Dr Mohammad Redzuan mendengar teliti apa ditimbulkan para pelajar

Dato' Dr Mohammad Redzuan turut berkesempatan mengadakan sesi dialog bersama para pelajar yang bertujuan untuk mengetahui sebarang permasalahan yang timbul mahupun sebarang cadangan.

Kemesraan serta keterbukaan membuatkan para pelajar tidak malu untuk menyatakan sebarang pandangan.

Sesi yang diadakan tersebut juga adalah sangat baik kerana pihak pengurusan dapat menjelaskan kepada para pelajar melibatkan sebarang isu yang ditimbulkan.

NIK NAZMI YAKIN PROF DATO' MOHAMMAD REDZUAN SUNTIK NAFAS BAHARU UNISEL

EXCO Pendidikan, Pembangunan Modal Insan, Sains, Teknologi dan Inovasi, Yang Berhormat Nik Nazmi Nik Ahmad berharap pelantikan Presiden dan Naib Canselor baharu Universiti Selangor (UNISEL), Prof Dato' Dr Mohammad Redzuan Othman dapat memberi nafas baharu kepada universiti.

Nik Nazmi berkata, beliau berharap Prof Dato' Dr Mohammad Redzuan dapat menggunakan segala kepakaran dan idea yang beliau ada untuk menaikkan imej universiti ini.

Menurutnya, beliau mensasarkan UNISEL ke tahap yang lebih tinggi dengan adanya Naib Canselor yang sememangnya sudah dikenali ramai di dalam bidang pendidikan ini.

"Kerajaan Negeri berharap beliau dapat menerajui UNISEL ke peringkat lebih tinggi

di dalam bidang pendidikan setaraf dengan institut pengajian tinggi lain," katanya semasa mengadakan kunjungan balas di Kampus Shah Alam pada 11 Januari lalu.

Dalam pertemuan diadakan bersama pengurusan kanan UNISEL, Nik Nazmi mendapatkan pelbagai pandangan serta cadangan daripada dekan-dekan fakulti sebagai rujukan untuk beliau memahami segala apa yang berlaku di universiti ini.

Dengan maklumat diperoleh itu, beliau dapat merangka pelbagai perancangan dan strategi untuk Kerajaan Negeri membantu membangunkan UNISEL.

Malah beliau dapat mengetahui

pelbagai perkara dan permasalahan dengan lebih dekat.



Prof Dato' Dr Mohammad Redzuan bersama Nik Nazmi.

PROF DATO' DR MOHAMMAD REDZUAN BERAZAM TINGKATKAN IMEJ UNISEL



Gambar berkumpulan yang dirakamkan di majlis tersebut

PRESIDEN dan Naib Canselor Universiti Selangor (UNISEL), Prof Dato' Dr Mohammad Redzuan Othman berazam menaikkan nama universiti ini selaras dengan legasi kecemerlangan yang ditinggalkan oleh mantan, Prof Dr Anuar Ahmad.

Prof Dato' Dr Mohammad Redzuan berkata, beliau mahu memastikan UNISEL akan terus cemerlang di dalam pelbagai bidang.

Menurutnya, untuk mencapai tujuan tersebut semua staf perlu bekerja dengan

lebih kuat untuk memastikan hasrat itu dapat dicapai.

"Saya berazam untuk meningkatkan nama UNISEL di tahap yang lebih cemerlang," katanya pada sidang media selepas Majlis Ramah Mesra dan Serahan Tugas Presiden dan Naib Canselor di Kampus Shah Alam 6 Januari lalu.

Bagaimanapun, beliau yang baru diamanahkan untuk memegang jawatan tersebut mengakui ia bukan tugas mudah

"Saya berazam untuk meningkatkan nama UNISEL di tahap yang lebih cemerlang,"

Prof Dato' Dr Mohammad Redzuan

baginya.

Ia ditambah lagi dengan faktor geran yang semakin berkurangan dihadapi terutamanya melibatkan universiti awam.

"Tahun ini agak sukar kerana terdapat pengurangan geran diperoleh dan ia dirasakan oleh universiti-universiti tersohor negara ini, apakah lagi kita sebagai universiti swasta namun ia bukan penghalang untuk berjaya," katanya.



Kesemua dekan dan juga ketua jabatan menghadiri majlis tersebut



Prof Dato' Dr Mohammad Redzuan (kiri) bersama Prof Dr Anuar semasa simbolik penyerahan tugas



Azmin sedang berucap semasa konvokesyen

AZMIN SYOR UNISEL GUNA SISTEM WAKAF UNTUK KUKUHKAN KEWANGAN

KERAJAAN Negeri mengesyorkan supaya Universiti Selangor (UNISEL) melihat segala sudut lain bagi mengukuhkan kedudukan kewangannya pada masa akan datang antaranya melalui sistem wakaf.

Menteri Besar, Azmin Mohamed Ali berkata, beliau melihat sistem tersebut semakin mendapat tempat terutama di kalangan universiti terkemuka dunia yang mengamalkannya.

Menurutnya, dengan kedudukan kewangan yang kukuh dapat membantu UNISEL menjalankan operasinya dengan lancar terutama membantu para pelajar di

dalam pendidikan.

"Saya syorkan lihat pilihan lain untuk kukuhkan kewangan dan sekarang sistem wakaf mendapat tempat.

"Sudah tentu pengiktirafan Tan Sri Muhammad Ali Hashim dianugerahkan Anugerah Ijazah Kehormat Doktor Pengurusan Perniagaan dapat bantu UNISEL wujud tabung wakaf seperti diamalkan universiti hebat lain," katanya selepas menghadiri Istiadat Konvokesyen ke-10 UNISEL di Kampus Bestari Jaya pada 24 Oktober lalu.

Azmin berkata, Kerajaan Negeri sentiasa komited dalam membantu UNISEL kerana

sedar universiti ini sebagai pengeluar produk graduan berkualiti saban tahun

Menurutnya, UNISEL bukan sahaja melahirkan graduan yang mahir ilmu tetapi juga skil memenuhi kehendak industri.

"Sudah tentu kita meletakkan sasaran tinggi untuk UNISEL dan melabur untuk ini umpamanya pada 2014 sahaja kita peruntukan RM60 juta untuk prasarana.

"30 Oktober akan datang (tahun lalu) saya akan umumumkan inisiatif sebagai komitmen Kerajaan Negeri terhadap UNISEL dalam Belanjawan Negeri," katanya.

TAN SRI MUHAMMAD ALI SAMPAIKAN SYARAHAN PERDANA 'WAKAF KORPORAT UNTUK PENDIDIKAN TINGGI'



Tan Sri Muhammad Ali menyampaikan syarahan perdana

PENERIMA Anugerah Ijazah Kehormat Doktor Pengurusan Perniagaan, Tan Sri Muhammad Ali Hashim menyampaikan syarahan perdana 'Wakaf Korporat untuk Pendidikan Tinggi' di Kampus Bestari Jaya di pada 23 Oktober lalu sempena Istiadat Konvokesyen Universiti Selangor (UNISEL) ke-10.

Syarahan tersebut adalah bersempena konvokesyen yang berlangsung bermula pada 24 hingga 26 Oktober lalu.

Dalam syarahannya, beliau berkongsi pengalaman luasnya di dalam bidang korporat selama berpuluh tahun yang dirasakan mampu membantu untuk pendidikan.

Beliau ternyata tidak lokek berkongsi segala ilmu yang ada di dadanya bersama para pelajar yang hadir mendengar syarahannya.

Turut hadir bekas Presiden dan Naib Canselor UNISEL, Prof Dr Anuar Ahmad bersama pengurusan kanan universiti, dekan-dekan dan para pensyarah.

UNIVERSITI Selangor (UNISEL) melalui Fakulti Seni Lukis dan Seni Reka menyertai Malaysia Fashion Week 2015 pada 5 November lalu di Matrade Exhibition and Convention Centre sebagai usaha memberi pendedahan terutama kepada para pelajar.

Minggu fesyen tersebut melibatkan penyertaan pelbagai perek fesyen terkenal antarabangsa dan juga tempatan.

Turut diadakan pertunjukan fesyen melibatkan 15 perek fesyen pelbagai negara.

Program seumpama ini merupakan medan terbaik untuk 15 pelajar termasuk lima pensyarah menimba pengalaman baru.

Dalam program tersebut, para pelajar turut mempamerkan hasil kerja masing-masing termasuk studio fotografi.

Selain itu, mereka turut terlibat selaku jurugambar untuk memberi liputan sepanjang program berlangsung.

Penyertaan seperti ini juga amat baik kerana secara tidak langsung dapat mempromosikan UNISEL.



Ruang pameran fotografi pelajar UNISEL

UNISEL SERTAI MALAYSIA FASHION WEEK 2015 TIMBA PENGALAMAN

UNISEL JUARA KEJOHANAN PING PONG IPT SIRKIT 2



Mohamad Hasri Fikri menjuarai kejohanan tersebut

MOHAMAD Hasri Fikri Mohamad Taufik mengharumkan nama Universiti Selangor (UNISEL) di dalam Kejohanan Ping Pong Institut Pengajian Tinggi (IPT) Sirkit 2 2015 apabila bergelar juara.

Ia bukan sahaja membanggakan seluru warga universiti malah ia merupakan pertama kali buat UNISEL.

Ini adalah kali pertama UNISEL menyertai kejohanan yang sudah dipertandingkan buat kali ke-6.

Sebelum ini Mohamad Hasri Fikri yang merupakan pelajar Fakulti Perniagaan berjaya layak ke separuh akhir pada sirkit 1 sebelum merangkul kejuaraan perseorangan lelaki.

Pengurus pasukan, Mohd Anuar Husin berharap UNISEL dapat mengekalkan kejuaraan ini pada Sukan IPT (SUKIPT) 2016 yang akan berlangsung di Universiti Teknologi Malaysia (UTM) Skudai, Johor.

Mohd Anuar menyifatkan kemenangan ini sebagai pembakar semangat buat para pelajar lain untuk mengharumkan nama UNISEL di dalam bidang sukan.

"Ini petanda baik kerana walaupun baru pertama kali menyertai kita sudah bergelar johan.

"Kita harap kejuaraan ini dapat dikenalkan di dalam SUKIPT," katanya.

UNISEL BURU EMPAT EMAS SUKIPT 2016

KONTINJEN Universiti Selangor (UNISEL) memburu empat pingat emas dalam Kejohanan Sukan Institut Pengajian Tinggi (SUKIPT) yang bakal bermula pada 25 Januari sehingga 5 Februari di Universiti Teknologi Malaysia (UTM) Skudai, Johor.

Seramai 134 atlet mengambil bahagian dalam 12 acara dipertandingkan di mana ini paling ramai UNISEL menghantar penyertaan.

Malah UNISEL turut mengidamkan untuk menyapu masing-masing empat perak dan gangsa.

Ini merupakan kali ketiga UNISEL menyertai kejohanan ini dan mensasarkan emas di dalam acara kegemaran iaitu judo,

silat, ping pong dan olahraga.

Majlis penyerahan bendera kontinjen disempurnakan Timbalan Naib Canselor Pembangunan Pelajar dan Jaringan Komuniti, Prof Dr Shaharuddin Badaruddin kepada Penolong Pegawai Sukan UNISEL, Mohd Anuar Husin sebelum berlepas ke Skudai pada 24 Januari lalu.

Kerajaan Negeri menerusi Exco Pembangunan Generasi Muda, Sukan, Kebudayaan dan Pembangunan Usahawan, Amirudin Shari turut memperuntukan RM20,000 untuk kegunaan atlet UNISEL sepanjang kejohanan selama dua minggu.



Simbolik penyerahan bendera kepada kontinjen yang bakal bertanding

KETERBUKAAN Universiti Selangor (UNISEL) menyediakan platform forum dan bual bicara dipuji oleh Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad.

Nik Nazmi berkata, ia merupakan suatu usaha yang baik ditonjolkan oleh universiti dalam memperlihatkan ia sebagai sebuah institusi yang bersifat terbuka.

Menurutnya, beliau mengucapkan tahniah kepada mahasiswa UNISEL yang berjaya menganjurkan program berkenaan.

"Kerajaan Negeri sentiasa mengalu-alukan forum seperti itu diadakan dan semoga lebih banyak lagi boleh diadakan untuk menunjukkan keterbukaan dan kelainan UNISEL sebagai institusi pengajian tinggi di Selangor," katanya dalam majlis forum Masa Depan Malaysia Ke Arah Wawasan 2020 #Mampukah Kita? di Dewan Pro Canselor, Kampus Shah Alam pada 2 Disember lalu.

Forum dianjurkan oleh Overseas Academic Tour Club UNISEL menampilkan Moderator, Mohd Naim Saiful Bahari bersama panelis, Setiausaha Agung KEADILAN, Rafizi Ramli dan Pengurus Umno Selangor, Datuk Seri Noh Omar.

Forum tersebut mendapat sambutan hangat apabila dihadiri lebih 400 orang terdiri daripada pelajar serta orang ramai.

UNISEL DIPUJI ANJUR FORUM LIBATKAN KERAJAAN DAN PEMBANGKANG



Rafizi (dua, kanan) berjabat tangan bersama Noh di forum yang dirasmikan oleh Nik Nazmi (dua, kiri)

PERSIDANGAN ANTARABANGSA SAINS HAYAT TUMPU ISU PENGEMBANGAN SAINS HAYAT MELALUI CETUSAN KUASA MIKROB



Nik Nazmi merasmikan persidangan tersebut



Prof Emeritus Datuk Dr Abdul Latif memberi taklimat di pameran yang diadakan

PERSIDANGAN Antarabangsa Sains Hayat dianjurkan oleh Institut Bio-IT Selangor, Universiti Selangor (UNISEL) mengumpulkan 10 penceramah luar dan dalam negara dalam usaha membincangkan perkara berkaitan sains pada 26 November lalu. Persidangan bertempat di Hotel Concorde, Shah Alam selama dua hari bertajuk Revolusi 2015 : Sebelum, Semasa, Masa Depan dan Luar Jangkuan menyaksikan penglibatan

hampir 200 orang.

Ia bertujuan untuk membincangkan pencetusan kuasa mikrob melalui pengembangan sains hayat.

Ucaptama persidangan tersebut disempurnakan oleh penceramah tidak asing lagi dari Massachusetts Institute of Technology (MIT), Amerika Syarikat iaitu Prof Cho Kyun Rha.

Semasa persidangan berlangsung

pelbagai isu dibincangkan berpandukan topik utama iaitu Kerjasama Antarabangsa dalam Sains Hayat dan Bioteknologi, Pengalaman Malaysia dan MIT.

Ia dirasmikan oleh Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad manakala penutup oleh Pengarah Institut Bio-IT Selangor, Prof Emeritus Datuk Dr Abdul Latif Ibrahim.



Kampus Bestari Jaya

UNISEL TEMPA PELBAGAI KEJAYAAN

UNIVERSITI Industri Selangor yang kini dikenali sebagai Universiti Selangor (UNISEL) dengan rasminya ditubuhkan pada 23 Ogos 1999. Menteri Pendidikan pada masa itu, Datuk Seri Najib Tun Razak menyampaikan surat jemputan untuk menubuhkan UNISEL kepada bekas Menteri Besar Selangor, Datuk Abu Hassan Omar.

Seramai 119 orang pelajar mendaftar pada hari pengambilan pertama UNISEL pada 9 September 1999. Kini, populasi pelajar meningkat kepada hampir 10,000 orang. Di samping itu, UNISEL mempunyai keunikan tersendiri apabila ianya terkenal dengan universiti yang pertama ditubuhkan oleh Kerajaan Negeri. Ia juga merupakan universiti swasta yang mengenakan yuran murah. Faktor yuran merupakan antara sebab utama mengapa ramai pelajar memilih untuk melanjutkan pelajaran di UNISEL berbanding pusat pengajian swasta lain. Malah kursus ditawarkan juga adalah banyak dan bersesuaian dengan apa yang para pelajar mahukan.

UNISEL kini beroperasi di dua kampus iaitu di kampus induk berkeluasan 1000 ekar di Bestari Jaya, Kuala Selangor dan kampus bandar di Shah Alam. Jika pada peringkat awal UNISEL hanya mempunyai 3 program pengajian sahaja, kini sebanyak 89 program pengajian meliputi hampir kesemua aspek disiplin keilmuan diperkenalkan dan mendapat akreditasi dari Agensi Kelayakan Malaysia (MQA) dan pengiktirafan badan profesional yang berkaitan.

Terkini, terdapat 8 fakulti serta 2 pusat bagi kedua-dua kampus iaitu Fakulti Bioperubatan & Sains Kesihatan, Fakulti Sains & Bioteknologi,

Fakulti Sains Komputer & Teknologi Maklumat, Fakulti Kejuruteraan, Fakulti Komunikasi & Media, Fakulti Pendidikan & Sains Sosial, Fakulti Perniagaan, Fakulti Seni Lukis & Seni Reka, Pusat Pengajian Asasi & Umum serta Pusat Pengajian Siswazah.

Sebagai sebuah universiti milikan penuh Kerajaan Negeri Selangor, UNISEL sentiasa menyediakan perkhidmatan yang terbaik setanding dengan universiti antarabangsa di dunia. UNISEL sentiasa komited dalam memberikan sepenuh perhatian kepada usaha melahirkan pemimpin ilmu dalam pelbagai bidang yang ditawarkan.

Pejam celik tanpa kita sedari kini UNISEL sudah hampir berusia 17 tahun. Di dalam usia yang boleh disifatkan sebagai masih remaja ini, pelbagai kejayaan sudah berjaya ditempa samada di peringkat kebangsaan maupun antarabangsa. Satu persatu kejayaan diukir UNISEL. Tidak kira sama ada para pelajar, pensyarah maupun alumni kesemuanya bersama-sama mahu mengharumkan nama UNISEL di persada dunia. Ini adalah kerana kasih dan sayang kepada universiti yang begitu menebal di hati. Kejayaan demi kejayaan dikecapi ini jelas membanggakan kerana ini adalah usaha semua pihak dalam menaikkan nama UNISEL untuk lebih dikenali

Jika diimbas kembali tidak keterlaluan dikatakan, paling manis adalah kejayaan menerima penarafan Tier 5 (Cemerlang) menerusi Sistem Penarafan Institusi Pengajian Tinggi bagi tahun 2013 (SETARA '13). Pengumuman penarafan tersebut diperolehi menerusi sepucuk surat dari Agensi Kelayakan Malaysia (MQA) bertarikh 17 November 2014, makluman keputusan pencapaian

dan perincian markah penarafan SETARA '13 dengan UNISEL memperolehi Tier 5 secara keseluruhan.

Penarafan Institusi Pengajian Tinggi Malaysia 2013 (SETARA '13) disertai 53 buah institusi pengajian tinggi (IPT) di Malaysia. SETARA '13 mengukur kualiti pengajaran dan pembelajaran pada tahap enam (peringkat Ijazah Pertama) Kerangka Kelayakan Malaysia (Malaysian Qualifications Framework, MQF) dan merupakan kesinambungan kepada Sistem Penarafan Institusi Pengajian Tinggi Malaysia 2011 (SETARA '11) yang dilaksanakan dalam bentuk penilaian semula.

Penarafan ini diibaratkan sebagai hadiah paling bermakna dan terbesar buat sebuah universiti yang boleh dikatakan masih baru. Segala usaha dan perjuangan selama ini ternyata membawa hasil yang amat berbaloi dan membanggakan seluruh warga UNISEL. Namun ini tidak bermakna kita harus berhenti dan berasa puas setakat ini sahaja kerana banyak lagi perlu dicapai untuk tempoh yang mendatang.

Selain itu, UNISEL juga pernah mencapai kejayaan di peringkat antarabangsa pada 2008 apabila dinobatkan sebagai juara dalam pertandingan Cansat Nano Satelit Antara Varsiti Dunia di Madrid, Sepanyol. Kumpulan tersebut terdiri daripada enam pelajar dan selebihnya pensyarah.

Menaikkan nama universiti ini lagi adalah apabila Prof Emeritus Dato' Dr Abdul Latif diberi gelaran Tokoh Akademik Negara 2012. Beliau sememangnya terkenal sebagai seorang ilmuwan sains di negara ini.

Prof Madya Dr Mohd Nazil Salleh, Dekan Fakulti Bioperubatan & Sains Kesihatan diberikan penganugerahan Chartered Scientist (CSci) pada 3 Sept 2014 oleh Council Science, United Kingdom. Beliau merupakan saintis Malaysia pertama mendapat pengiktirafan melalui IBMS Chartered Scientist yg diberikan melalui Council Science. Anugerah tersebut merupakan pengiktirafan tertinggi yang diberikan oleh Council Science kepada professional 'Association Body' di United Kingdom.

Tahun lalu, tiga pensyarah Fakulti Sains Komputer dan Teknologi Maklumat (FSKTM) menerima sijil pengiktirafan membanggakan apabila dipilih sebagai finalis National Outstanding Educator Award 2015. Ketiganya pensyarah tersebut adalah Dr Suziyanti Marjudi, Dr Mohd Fahmi Amran dan Faudzi Ahmad.

Tidak cukup dengan itu, empat tahun lalu, Sufi Habibullah Roslan dari Fakulti Kejuruteraan dan Berjilia Jung Im Kim dari Fakulti Perniagaan dianugerahkan pelajar terbaik masing-masing bagi anugerah Institut Kejuruteraan Malaysia serta Institut Akauntan Malaysia. Tahun

berikutnya, Sivanesan Nadarajah memenangi emas Institut Kejuruteraan Malaysia.

Alumni juga tidak mahu ketinggalan terlibat menaikkan nama universiti tercinta ini apabila Roshini Muniam, berjaya mewakili Malaysia ke pertandingan AXE Apollo Space Camp Academy di Florida, Amerika Syarikat pada 2013. Beliau adalah bekas pelajar Fakulti Pendidikan dan Sains Sosial dalam jurusan TESL, tahun 2007-2011. Roshini merupakan pelajar cemerlang dan menerima Ijazah Sarjana Muda Pendidikan TESL (Kepujian) Kelas Pertama.

Dalam pada itu, UNISEL juga adalah IPT pertama dianugerahkan sijil Green 5S daripada SIRIM Berhad. Sijil ini diberi selepas lulus kursus 5S – ke arah amalan persekitaran berkualiti pengiktirafan pensijilan Green 5S pada Januari 2013, Audit 5S Blue Belt pada Februari 2013 dan Pengurusan, Pelaksanaan dan Pemeliharaan Amalan Persekutaran Berkualiti 5S SIRIM pada April 2013.

Tiga mahasiswa, Farahani Mohammed Zakaria, Nurul Nadiah Begum Sahabuddin Khan dan Azalea Ahmad Kushairi kesemuanya daripada jurusan pengajaran Bahasa Inggeris sebagai Bahasa Kedua (TESL) berjaya memperoleh GPA 3.8 ke atas dan diberi Skim Biasiswa Internship Tun Mahathir Mohamad. Kejayaan-kejayaan seperti ini diharap menjadi pencetus kepada para pelajar lain untuk mencontohi mereka. Mereka melanjutkan pelajaran ke Amerika Syarikat. Dalam mengukuhkan nama di dalam arena pendidikan, UNISEL menjalinkan hubungan dengan pelbagai pihak. Ia bagi melebarkan lagi sayap serta mahu dikenali di pelbagai lapisan. Hubungan kerjasama dijalankan melibatkan kerajaan negeri, kerajaan, IPT tempatan serta luar negara. Ini bertujuan untuk memasarkan lagi nama UNISEL seiring dengan arus pendidikan yang semakin mencabar dek arus teknologi hari ini.

Untuk itu, UNISEL mengambil langkah menandatangani memorandum persefahaman (MoU) dengan pelbagai universiti antarabangsa. Sebagai contoh UNISEL sudah bekerjasama dengan empat universiti Turki. Bukan itu sahaja terdapat universiti dari Jordan, Indonesia, Brunei, Iraq dan Thailand. Melalui MoU ini UNISEL melaksanakan program pertukaran pelajar serta pensyarah. Ia juga bagi membolehkan kajian penyelidikan dapat dijalankan bersama demi manfaat kedua-dua universiti. UNISEL juga sudah menerima ramai pelajar antarabangsa yang mengikuti pelbagai program pengajian.

Dalam memperkasakan lagi ilmu pengetahuan pelajar di dalam pelbagai bidang UNISEL turut menandatangani MoU bersama syarikat-syarikat di dalam industri.

Melalui kerjasama seperti ini ia membolehkan pelajar tersebut mendapat pendedahan dunia pekerjaan melalui latihan industri disediakan. Selain itu para pensyarah juga dapat menambah ilmu melalui kepakaran industri.

Usahasama pendidikan turut dijalankan UNISEL bersama Kerajaan Negeri Kelantan dua tahun lalu. Kerjasama seumpama ini amat penting dalam pembangunan UNISEL pada masa akan datang.

Reputasi UNISEL turut mendapat perhatian Pertubuhan Bangsa-bangsa Bersatu (PBB) apabila dipilih sebagai tuan rumah untuk

Pusat Fisioterapi & Makmal Klinikal Diagnostik ini akan memberi manfaat bukan sahaja untuk warga UNISEL, malah memberi impak positif kepada komuniti sekitar Lembah Klang.

Terbaru dua pensyarah Fakulti Sains & Bioteknologi memenangi pingat perak dalam 26th International Invention and Innovation Exhibition (ITEX) 2015. Hasnu Rizal Zakaria bersama Mohd Fadzly Ahmad menghasilkan dua ciptaan mereka dalam kategori Environmental and Renewable Energy. Ini merupakan penyertaan kali pertama UNISEL dan pencapaian ini sangat membanggakan



Antara ciptaan produk UNISEL

menganjurkan Engaged Learning and ICTD international conference pada dua tahun lalu. Malah baru-baru ini Persidangan Sains Hayat yang menampilkan penceramah tidak asing lagi dari Massachusetts Institute of Technology (MIT), Amerika Syarikat, Prof Cho Kyun Rha. UNISEL sering mengadakan pelbagai persidangan antarabangsa yang selain dapat meluaskan jaringan perhubungan ia juga dapat mempromosikan nama universiti ini.

UNISEL juga sudah mempunyai Pusat Fisioterapi & Makmal Klinikal Diagnostik yang dilancarkan dua tahun lalu. Ini merupakan langkah strategik UNISEL ke arah meneruskan kecemerlangan melalui kemudahan prasarana yang kondusif dengan ditunjangi oleh warga UNISEL yang komited. Gabungan ini membina satu momentum dan berimpak dalam proses pencapaian objektif penubuhannya dalam perkhidmatan berkaitan sains kesihatan. Pusat ini diharap mampu menyahut cabaran melahirkan graduan yang mempunyai daya saing, kebolehan pasaran dan melahirkan insan yang kamil. Diharapkan dengan perkhidmatan yang bakal disediakan oleh

seluruh warga universiti. Ciptaan mereka adalah pembersih udara yang dinamakan Airys tidak menggunakan penapis serta murah.

Kejayaan demi kejayaan yang dikehendaki oleh UNISEL adalah hasil kerjasama semangat berpasukan yang utuh oleh semua pihak. Tanpa semangat bekerjasama mustahil ia dapat dicapai. Ini juga seharusnya dapat dijadikan pembakar semangat dalam menggapai pelbagai lagi kejayaan pada masa akan datang dalam usaha menjadikan UNISEL dikenali di selera dunia. Dalam usia 17 tahun ini, UNISEL sudah membuktikan sudah mampu duduk sama rendah, berdiri sama tinggi dengan IPT lain. Walaupun masih kerdil namun universiti ini sudah membuktikan pencapaiaannya untuk disegani. UNISEL juga diingatkan supaya tidak terlalu puas dengan apa dimiliki hari ini sebaliknya perlu terus mara ke depan untuk lebih cemerlang. UNISEL sentiasa membuka pintu kerjasama kepada mana-mana pihak demi kebaikan universiti pada masa akan datang yang sudah pasti lebih mencabar berbanding hari ini.



www.unisel.edu.my

Kami Menawarkan

Diploma

- Pengurusan Perniagaan
KPT/JPS(R/345/4/0566)06/19
- Perakaunan
KPT/JPS(R/344/6/0262)07/19
- Pengurusan Pentadbiran
KPT/JPS(R/345/4/0116)10/16
- Pengurusan Industri Sukan
KPT/JPS(R/813/4/0010)05/17
- Komunikasi & Media
KPT/JPS(R/321/14/0030)12/16
- Kejuruteraan Awam
KPT/JPS(N/526/4/0029)03/18
- Kejuruteraan Elektrik & Elektronik
KPT/JPS(R/2/523/4/0061)01/21
- Kejuruteraan Mekatronik
KPT/JPS(R/521/4/0020)01/21
- Kejuruteraan Mekanikal
KPT/JPS(R/521/4/0019)01/21
- Teknologi Maklumat
KPT/JPS(R/481/4/0487)06/19
- Aplikasi Komputer Dalam Perniagaan
KPT/JPS(R/482/4/0010)05/16
- Sains Komputer (Pengkomputeran Industri)
KPT/JPS(R/481/4/0043)05/16
- Teknologi Mudahalih
KPT/JPS(R/310/4/0002)05/16

- Industri Multimedia
KPT/JPS(R/213/4/0012)05/16
- Industri Bioteknologi
KPT/JPS(R/545/4/0021)06/18
- Akuakultur
KPT/JPS(R/624/4/0001)01/19
- Teknologi Industri
KPT/JPS(R/520/4/0044)09/18
- Sains Kuantitatif
KPT/JPS(N/462/4/0004)07/17
- Pengajaran Bahasa Inggeris Sebagai Bahasa Kedua
KPT/JPS(R/445/4/0021)02/17
- Pendidikan (Pengajian Pra Sekolah)
KPT/JPS(R/143/4/0001)07/16
- Pendidikan (Pengajian Islam)
KPT/JPS(R/521/6/0037)09/17
- Sains Perpustakaan
KPT/JPS(R/322/4/0003)10/16
- Seni Reka Grafik Digital
KPT/JPS(R/213/6/0007)05/16
- Teknologi Fotografi
KPT/JPS(R/321/4/0042)05/17

Sarjana Muda (Kepujian)

- Perakaunan
KPT/JPS(R/344/6/0262)07/19
- Kewangan
KPT/JPS(R/343/6/0130)07/19
- Pemasaran
KPT/JPS(R/342/6/0131)06/19
- Pengurusan Perniagaan
KPT/JPS(KR11678)01/15
- Pengurusan Industri
KPT/JPS(R/345/6/0115)10/16
- Pengurusan Sumber Manusia
KPT/JPS(R/345/6/0202)10/17
- Komunikasi (Komunikasi Korporat)
KPT/JPS(R/321/6/0065)09/18
- Komunikasi (Kewartawanan)
KPT/JPS(R/321/6/0138)06/18
- Seni Reka Grafik Digital
KPT/JPS(R/213/6/0007)08/16
- Kejuruteraan Elektrik
KPT/JPS(R/522/6/0029)09/17
- Kejuruteraan Mekanikal
KPT/JPS(R/521/6/0037)09/17
- Kejuruteraan Awam
KPT/JPS(R/526/6/0024)09/17
- Sains Komputer (Kejuruteraan Perisian)
R2/481/6/0654(11/20)
- Sains Komputer
R2/481/6/0653(10/20)
- Teknologi Maklumat
KPT/JPS(R/482/6/0009)08/16
- Industri Multimedia
KPT/JPS(R/213/6/0063)07/17
- Teknologi Maklumat (Pengurusan Pengetahuan)
KPT/JPS(R/482/6/0214)09/17

- Sains Teknologi Maklumat dengan Pengurusan Rantaian Bekalan
KPT/JPS(R/481/6/0188)05/17
- Sains Komputer (Keselamatan Rangkaian & Digital Forensik)
KPT/JPS(N/481/6/0259)01/18
- Industri Bioteknologi
KPT/JPS(R/545/4/0022)06/18
- Bioinformatik
KPT/JPS(R/481/6/0486)06/19
- Sains Teknologi Industri
KPT/JPS(N/540/6/0007)07/17
- Sains Matematik dengan Statistik
KPT/JPS(R/461/6/0001)11/16
- Sains Persekitaran (Kepelbagaian Biologi dan Pemuliharaan)
KPT/JPS(R/422/6/0012)12/19
- Pendidikan (Pengajaran Bahasa Inggeris Sebagai Bahasa Kedua)
KPT/JPS(R/145/6/0013)08/16
- Pendidikan (Pendidikan Awal Kanak-Kanak)
KPT/JPS(N/143/6/0022)11/16
- Pendidikan (Pengajian Islam)
KPT/JPS(N/145/6/0045)07/19
- Psikologi Industri
KPT/JPS(R/311/6/0018)01/18
- Sains Perpustakaan
KPT/JPS(N/322/6/0002)07/16

PENDAFTARAN

| **5 MAC 2016**
(Diploma, Sarjana Muda)

&

| **28 MEI 2016**

(Tahun Asas, Diploma dan Sarjana Muda)



+603 5522 3400



019 - 327 8408/8605/8269



admission@unisel.edu.my